

太  
乙  
舟  
詩  
集

太乙舟詩集卷六

新城陳石士甫著

三男蘭第校刊  
從姪孫夔

發陳州

再別趨庭地言登計吏車旅懷迎臘鼓詩夢約梅花身入  
塵中境心懸客裏家如何慰親老分手又天涯  
祿養期他日離情感遠途人猶念劉寵我自愧堯夫去住  
心遲戀飛騰事有無歸林多莫爲俯仰愧慈烏

喜得江南家信

雁醒昨宵夢燈明今日書遙知開札候已是束裝餘錦水  
淮南楫香塵蘅北車春雲隨望眼重與計程初

人來纔廿日書到尙嫌遲誰誤同行策分襟費夢思疎櫺  
雲幔護寶炷鵲爐支細意安排處由房待賦詩

寄贈勺軒十五弟五十初度四首

同歲意相親無如我兩人行年俱五十分夢此星辰門戶  
支持計闕河仕宦身笑予惟任運願爾勿勞神

友愛諸昆弟治生事獨肩部分終歲計申勸讓夷篇家督  
非門子型仁自象賢吾宗風義古肯忘一經傳

別墅營幽勝當年叔宴居夢迴絃管外人話水雲初肯構  
心斯慰承家慶有餘紫荊花下集引蒲興何如

離居將六載尺素語情悰知爾望兒切慟余課子慵家門

思多故桑梓念維黎吉語占方穀心田畝十鍾

食室知見寄詩意

遠行非定計不意誤歸期客路求人苦鄉心去鴈知表阡  
猶有待游宦且無資身事難言處憐渠念我時

文章似禪悅解悟豈無端欲見本師易能空諸相難知非  
隨處好忍辱此心安訪衛行千里成功在止觀

懷鍾溪江南

南北此江河分携使節過南人宗鄭許古訓本漸磨北學

開王鮑

謂伯申雙  
五兩前輩

諸生賴切磋起衰功有自拔雋責宜苛

心切同功繭功恢一目羅家聲傳莫似師說衍如何空相

開永鏡方流辨玉波參苓收藥籠應共阿咸多

攜次兒蘭滋往閩途宿荷坪夜中偶憶杜工部令節

成吾老他時見汝心之句悽然有作示蘭滋

恒言不稱老今我已鮮民髭白從人訝山行只汝親嶺盤  
雲影峻語入鳥音新辛苦將雛意淒涼陟岵身榮名寧可  
貌天性貴能真回首趨庭事慚余等厲人

寄三兒蘭第

辭我還鄉去中田居一年春光長薄外書味短檠邊牀與  
伯兄對身知世母憐我心無倚着喜汝說隨緣

婦子雨堪痛寄書愁汝問如何離別感重以死生哀涉事

須安命偏情是散材  
勉爲寬慰語下筆屢遲迴

送蘭豫以州吏目分發甘肅

嗇夫與游徵漢代有經師惜汝儒家子  
拋書但喜詩篇章  
原繕性魚鳥莫遊思  
况問專何職無忘慎所司  
仁心微事處獄吏護囚時  
學道官邊塞門庭庶可支

自清湖至江山途中甚寒憶幼子蘭豫未知能乞假  
省視否

平岡何蒼莽風力振餘威  
入塞念予季東歸何日歸  
馬經砂磧遠裘點雪花肥  
景物關心處三衢正策騑

蘭滋送至涿州勗之以詩

幸以先人澤不知行路難以余今奉使勗汝去當官義粟  
施無倦貪泉戒莫寬春明能接武不必薄儒冠

寄慰從子蘭祥落解

博聞兼練事汝是出羣才何意三年別猶遲省解來竹花  
經飼鳳石骨莫侵苔

余家有石竹山房諸弟子讀書處

且勵平生志溪堂

萬卷開

寄懷譚子受妹婿

之子富詞翰謀生耐寂寥經泰千品佛鐵鑄一枝簫學以  
求官誤才憐用世饒從知恒產在寧遣壯心銷

查女壽徽子歸顧氏賦詩贈嫁益質次嘉賢倩

視汝原如女今酬選婿心贈無珠飾富愛荷德門深朝潔  
蘭陔膳宵和鳳軫琴尋常勤問字佐讀好成吟

季子才如綺揮毫可萬言劬書兼習隸次嘉喜作漢隸習靜肯窺

園題鳳情初締光楣誼重敦御輪成禮後臚唱佇承

恩

### 送育仁表姪歸秋試

之子今歸矣無忘學范喬功能勤掌燂材不患桐焦苦志

心斯歛安貧識乃超贈君山谷語鞭後與鋤驕禾黍鋤其驕牛羊鞭

其後山

谷詩

汝翁吾畏友學行最深醇每聽山陽篴頻傷墓草春遺編

行受梓家學盼傳薪歸與阿兄語無憂原憲貧

夢三叔父

五載如斯速江干痛未忘頻年來入夢此夕竟他鄉色笑  
仍如昨鬚眉未益蒼教兒護眠食王事慎星霜

蹉跎門戶計爲我幾沈吟使節今朝事泉臺永夜心月斜  
闌樹黑天濶野雲深且復同兒去休教風露侵

哭三叔母四首

不料還鄉日翻無見母期音容三載別恩誼百年思痼疾  
初聞愈私懷冀可醫如何剛數月噩耗遽如斯

自我初生後扶持劇苦辛惟因依叔母藉以慰吾親永憶

垂髫日恩斯失恃人廿年纔轉瞬一慟又蕭晨叔母屬纊之辰與先

太恭人同於十

一月初一日

鶴馭慈雪遠鸞封德蔭長孫曾都穎秀昆季盡文章永訣

惟餘憾遺型自播芳如何慰吾叔形管有輝光叔母惟堂後三叔父

始自  
省回

迴憶登堂別見今職史官成名空自愧戲綵不同看勵學  
言猶在捫輿夢已闌無由知所報慟哭一憑棺

### 哭魯山木舅氏

忽下巫陽問天真奪我公名垂百世遠身就一官窮化鶴  
歸餘恨傳經衛竟空吾鄉前輩盡誰與溯遺風

欲試神君蹟從徵處士賢  
衛存能化俗官好不名錢  
鄉肆劉昆禮風清宓子絃  
由來甘澤播何異在山泉

憶昔春風坐論經夕復昕  
十年心迹異小別死生分  
未識同功蘭空驚特起軍  
文章存派別此語只公聞

素旄臨歸路華纓賦北征  
去來彈指事歌哭兩時情  
弟子誰都講時人喜釣名  
追思臨別語惟有涕縱橫

悼居厚二姪

不知汝何病竟此殞他鄉  
宦局父誰倚門風人所傷  
桂林春斷夢肝水路迥腸  
追憶成童日依依就我旁

送靜娟柩附糧艘歸

不信糧艘發真成送汝歸此生嗟我老所願痛卿違待漏  
言猶在熏香事已非誰知官擢後灑淚理朝衣  
分手綠何促憑棺淚竟枯歸魂徵昨夢遺奠送長途宦人  
鄉難返情深影易孤可憐鴻案畔銜痛爲清娛

哭徐婿景宋

力疾來相見其爲永訣來蒼華心欲寫造次語難猜鄉路  
雲千疊離懷酒一杯

留於邵武  
試院一飯

那堪晉安郡昭武首重回

視譚女壽暉厝所在上方山下

征塗真視汝一慟與招魂洒洒灑灑衰淚捫碑痛昔言

余銘  
壽

厝志有視汝佛緣上方剎詩夢石湖村尚可重來否心傷

白髮痕

舟夜不寢追悼慶孫四首

汝今何處去拋我九旬餘欲哭已無淚牽愁偏有書心常  
矜史斷志亦慕經畬三篋何人讀來時載滿車

春舟携汝共聽講不煩詞今此冬行矣舟中更語誰驚颺  
吹大地噩夢昧前知我疾偏傷汝心摧內省時

汝心殊豁達不解世間愁得子旋殤去有言寬我憂敬師  
能問字思母欲拏舟嶺表知能去魂兮路阻修

汝爺頗勤政民喜上官誇今歲書才到灕江路信賒汝娘  
猶病臥得報恐愁加庶弟如能舉吾悲或有涯

過羊流店感懷憶亡孫大慶

偶憶探環事癡心念我孫不知粵西夢可見故鄉魂勲業  
前賢遠家聲舊德存但能守儒素亦可大吾門

哭魯復齋

遽此天人隔判襟只四年路追前發驛燈剪乍寒天

道光八年

君自濟南繞至平原與余話別舊事渾如夢新書昨已傳驚看病中字脫  
弱語纏綿

妻族今衰替惟君特出群文章追老輩意氣薄春雲婦孺  
交相託關河悵遠分如何撫棺慟驛路此臨君

過德州追憶魯復齋觀察

少日依僧寺辛勤事讀書官身躋身繡堅志老糧儲間歲  
來朝覲延君共菽蔬匏安園一卷回首重嗟吁

君索余題  
匏安園述

其志  
事

### 蝶寄舫雜感

夢落謝公墩扁舟到白門岫雲離本宅燕壘認新痕故里  
空懷土他鄉自感恩主人風義重小住借名園

脩逕竹陰護入門蒼翠生名慚徐孺子園擬庾蘭成深院  
書堪曝空庭月最清塵勞暫消遣瀟洒此時情

以此客中趣故園首重廻池分蓮渚曲山對竹樓開世界  
違初志塵纓愧散材鄉心千里夢猿鶴漫相猜

爲作携家計因成典屋詩故居成轉易客路忽支離  
誰題字巢鳩有借枝庇根嘉葛藟援類幾尋思

買宅虛前約

曩與惜抱師有買宅金陵之約

浮家得暫居詩懷懸請席客

况愛吾廬勝地堪携酒名山易借書倘能酬夙願訪古一  
擲輿

### 蟻簾舫夜歸同蘭雪作

斜陽初散步池館愜幽尋坐久月照席歸來風滿襟燈前  
人影定門外市聲沈誰信寂寥夜清言生衿心

### 寄王心坡大令

賦

男兒重意氣詎肯顧錢刀况值別離遠所期風誼高讓夷

吾自媿急病爾能豪回首長安陌彌懷左伯桃  
小聚忽爲別悠悠此遠行離懷難自遣真意昔曾傾飛鳥  
期他日懸蒲聽頌聲吾儕相望事落落古人情

元旦試筆

傳衣徵一硯弟子亦蓬萊舊雨工豪素煙雲尺幅開紅泉  
鄉思寄碧巘使軺來可許成佳讖龍眠夢乍迴

元旦口占

除夕連元旦陰晴定若何山情成雨易海氣結雲多大吏  
皆賢詰論文賴切磋相於逢令節是日立春懷抱接春和

秋興

秋雲故故陰秋色  
何深尋徑翠猶重  
映階紅可尋  
暗情  
晝花表涼意  
夜燈禁撫序  
壁向晚慚余失學心

夜坐漫興寄友人

閒吟意少  
悵倦聽隔牆鐘  
塵念片時釋  
冷雲三徑封  
衾稜  
初展鏡詩夢不離松  
一笑前朝寺湯休未許逢  
生世拙身謀蕭蕭髮欲秋  
南船初放棹北客又停騶  
頻作  
關河夢翻成  
去住愁班超真解事  
投筆海西頭

寓意

如豆結燈花  
昨宵夢到家  
簾高初挂月  
鬟重不勝鴉  
自寫  
靈芸字旁  
嘲阮曲車  
今朝一迴憶  
不信有天涯

病中遣興

日歸歸未得忽與病相緣獨坐常疑夢沈思妄欲仙月痕  
過慢小日影度窓偏對景無聊賴唯餘倚枕眠  
吾豈熱中者無端體似蒸菓思梨飢座風惜扇驅蠅炙手  
原無勢疑年欲語冰笑他譏渴疾戒內已如僧

對客倦仍語攤書拋復開稱心無穩坐撥悶有深杯以靜  
罷徵逐因閒思草萊自知疎懶慣經世望奇才

默坐籌身世因知所累多蛛絲悟塵網香篆識天和軒冕  
從廊廟簞瓢自澗阿隨緣能自濟捲卷幾摩挲

送秋

瘦蝶蜚芳徑清商歸素琴遙天來雁語幽砌罷鼓吟已  
深閨夢兼傷烈士心縱教遊秉燭歲事總銷沈  
整駕何方去離情付濁醪孤花空有夢冷月不能高山色  
收晴黛風威捲怒濤劍門猶列戍一爲寄霜袍

雨後寫懷

雲釀連朝雨天開半日晴客懷隨處好詩夢昨宵成高樹  
風爭獵孤花夜轉明隔牆絃索閑偏送惱公聲

秋影三十六韻

有美生南國香名艷六朝前身應謫降逸韻祇孤標露蕊  
團清夜雲衣展絳霄幽姿誰比艷冶葉不同條薄袂垂垂

舉纖袿冉冉飄淡痕微掃黛翠影慢舒翹簾卷流波夕粧  
成墮馬朝歌輕張靜婉名壓董嬌嬈倦倚飛瓊髻愁聽碧  
玉簫未能拋小劫空自賦無聊心苦蓮含蕙江清雨卷蕉  
秋懷多感月春恨欲生潮漫擬求良匹誰堪託久要湘皋  
雖解佩靈鵲未填橋白下初投跡王孫共振鐮尋芳輸蛺  
蝶選樹羨鶴鷄五里常迷霧三山忽引颺慳緣疑薄命幽  
夢惜殘宵何憶迴青睎相將坐綺寮此生心若失隔世恨  
全消蟹擘剛宜酒樓虛暑障綃坐中情欸欸別後夢迢迢  
七載尋鴻爪三春理畫橈復成今日見宛似隔江招身尙  
憐纖瘦心仍愛寂寥清詞連諱語雅韻發桐焦待作良朋

聚同爲勝地，邀見遲嫌別。速會少惜途，遙關路行逾遠。  
魂黯獨銷閨，深簾影亂山。潤馬蹄驕分阻，偏餘恨情多只。  
自撩卿窸輪，萼綠我自愧。弦超洛下誰徵，賈江東漫訪喬。  
題詩誌相識，幽興一飄蕭。

感憶

春老花繁後，燈明雨急時。尋常占氣候，政復有箴規。婉婉  
人如在，閨閨語可思。可憐周紹秀，不必解書詩。

齋中讀書用蔣藏園天鏡樓銷夏韻十四首

散帙足幽賞，古人如結鄰。事隨陳迹遠，心覺道緣新。日氣  
侵階薄，庭陰倚樹勻。杜門容嬾性，追暑課閒身。

雲氣朝來晦天光雨後晴沒階餘止水浮芥忽空庭欲試  
塢流法先求逆防形漫誇能讀史只愧未通經

述祖搜遺緒春秋治幾家先大夫凝齋府君晚年欲爲春秋集注而未及成用光頃欲續

成微言無與接曲說不勝譁援手情空摯冥山眼自遮是

非憑點勘晝誦逮昏鴉姚先生贈句夜誦或雞晝披逮昏鴉

銀蟾欣乍見皎皎屋東偏夜色沈陰失林光接葉連睡虵

辭老境指月悟禪緣名巷真吾稱頻年儘嬾眠三四年來每多於寅

刻卽起讀書

伏雨年年過功名誰汗青官高自行馬儒老亦元亭議事  
文無害揮毫筆有靈閒中參宦味幽夢落魚汀

擢階仍侍從

聖主曲慈中才拙應劬學官清合

髮知臨鏡白燈爲課孫紅身事難全美謀生念久空

所思歸隴畝力不任鋤耘祿養悲難逮浮榮志肯分偏親  
猶石殯負土未成墳誓墓詞淒咽情原殊右軍

鄉心驚噩耗宰樹哭春烟頻有期功服難歸黎水船

自去  
年十

月先嫂去世繼之兄妾葛氏庶母方氏  
而慈母姚大宜人及亡兄則皆今春歿宦遊消壯志身世

感衰年所學成何事曾無勇退權

平生無我相繕性葆沖和但有攻吾短頻欣益友過涼風

甦溽暑苦口起沈疴昨聽琴岩語

謂譚君  
清長

資予智慧多

鮑子今人傑

請雙五  
先生

文章擅色絲品歸周士貴心賴

聖人知達島遷階日 瑤墀引對時承宮侶田鳳諸語幾

尋思

用光擢官近每與先生相先後既自愧其才之不逮而又以附先生後爲幸也

殘暑雖仍溽晴雲不厭多楚吳接畿輔水潦近如何山曲

輶安輶江平艇劃波南行念予季知已渡黃河

幼子蘭鵬由汴歸江

西未知其自汴而南由皖由楚

慷慨經時策勤勞報 國身如何求水利于以保民醇晴

定梁猶獲災餘語自真

頃詢之野人云能有十日晴高粱可收成歲不至歉也

水雲

消雨色天恤老農貧

鮮民不諱老筋力未成翁除酒論三好人言少壯同燈飄

棋外雨花韻笛邊風萬卷消長夏無心更送窮

墮梧剛一葉

七月初三日立秋

日邁月斯征所志歎孤立有聞慟

未行文成窺目巧道勝却心兵鞭後鋤驕意思乘炳燭明

偶成

昨過符離境沮洳不可行因歌瓠子決回憶故鄉氓何策  
籌偏潦荒村有廢耕經綸無可信持此媿平生

聞雷

聞雷當夜起慎戒必備容物理誠難測心齋敢忘恭剪燈  
鳴雨息破曉涇雲重語旦深泥路憐渠沒髀衝

迎夏

春老揀花風香生芍藥叢袷衣猶御體執扇欲論功柱礎

滋苔潤雲陰抱日融閒看書帶草新綠上梧桐

秋曉

餘暑到霞色晨光疑未秋市聲猶寂寂雲影亦悠悠昨夢  
五更醒故園三徑幽緇塵與泉石夙誓莫忘酬

池上

檐端新翠接簾外綠陰沈石氣春常潤苔痕雨不侵乍拋  
雙蠟屐聊撫七絃琴池上一延佇閒雲共此心

移寓國祥寺寺中花木甚盛

身入衆香國心依祇樹林佛光延月到秋色與苔深几榻  
安幽夢鐘魚答梵音凌雲應一笑卅載悟而今

應膳錄試題號舍壁

編貝東方朔褒衣雋不疑讀書期有用爲吏且無時小試  
毛錐健終慚國士知倘邀恩澤處月給幾隄廩

牛馬真稱走鵲鸞敢列行卑棲傷轉計本志覲終償故舊  
多腰笏蓬瀛可葦杭如呈分校本他日慎趨跼

局促南州試風簷七度來踰淮賓戲虐運海壯心灰勞許  
先期習名從好友猜宿緣與詩債一夕有安排

實錄館晚歸作

校勘初承

命編摩三月餘

內廷恭繕本史館告成

書才自推班馬功惟課魯魚歸來還自課立說學潛虛

正月初五日奉

命視學浙江十六日趨請西苑

請訓恭紀

御園春色早請

訓有晨行月潔澄林影風和韻市聲

皇心厯肅父

肅父諸諫額

御製初至

臣職勵寅

清何以酬

恩命勤思保令名

過桐城謁惜抱師敬呈二律

四載經帷別三千客路長言尋萊子養重過鄭公鄉山色

醒塵夢詩懷入草堂昔年陪賞處列岫倚清蒼

戊午歲曾隨師遊龍

山取

傳習窮經業名家媿未成所期過十載此志自三生才以

知難竭心從望古傾來年重請益會訂皖公城

喜得惜抱先生書却寄

遂有八年別年年勞寄書每堅學道志嘗自得書餘月照  
經帷靜雲隨杖影徐冬來侍眠食孰就草元廬

雨中柬芸潭

夢醒聽簷溜窓光欲潤紗故人同宦局今雨感秋花賈董  
才誰似陰何句漫誇聊當携小草着屐訪君家

燕臺秋苦雨今歲未成霖竭喜催詩興堪酬種麥心儒官  
徒索米霜鬢欲抽簪三復河干什慚爲擊壤吟

夜坐懷船山太史

淡月不相見襟期誰與論秋聲新意緒書味舊精魂天濶  
常靜庭空樹亦尊遙知散帙者深夜月侵門

早過船山歸後馬意

一見消煩慮如何不命車鶴情空處得仙夢別來疎催客  
天邊雨論心枕後書張南與周北會買近君廬

贈盧南石侍郎

樞省崇階峻鑿坡宿望高靈灤溫室樹雲染瑣窓毫造郝  
猶皆遠持衡節屢操參知行倚寧端揆待垂褒學本歸經  
術心還矢敬勞夙知邀拂拭新化聽鈞陶按部瞻星使趨  
庭尚布袍紀羣詞假借淮潁地遊邀幸乞邱遲錦難題夢

得餒回頭過綺歲通籍監詞曹後進投門刺前期託驥施  
十年京國夢三載楚江濤銜恤悲風樹新霜點鬢毛眷深  
承賻唁塋緩祇心切微尚虛邁軸塵懷就憊臯金門仍索  
米銀管漫垂韜黨奏初迎夏雲恩好沛膏祈農醯玉陛熙  
績履金鑿問字疎通謁登賢慶遇道短章聊展悵祇愧近  
風騷

寄懷晴芬同年

不寐起中夜思君轉寂寥月清人雨照路遠夢雙邀懷抱  
知難遣客華莫使凋春明存後約待滯賦聯鑣

寄懷譚蘭涓學使滇中

雁訊經年斷星軺按部勞永懷宋曾鞏想見漢王褒世澤  
存句叮詩名稱律高超庭尋舊夢題壁一揮毫

寄懷方茶山太守用鄭都官送人之九江謁郡侯苗

員外紳韻

官閣論文處曾爲過客遊停雲通楚望詩夢醒皇州令子  
真瓊樹詞源倒峽流相思元夜月定蒲廩公樓

衛輝懷王儕嶠前輩

我懷賢太守管領百泉山行館一相問省朝猶未還川原  
秋色靜村落樹陰閒想見放衙日吟詩琴鶴間

柬小峴京兆

老輩而今少見公思謝公

謂吾舅氏  
山木先生

夢迴鄉樹碧淚墮酒

波紅似舅才原忝論交地却同燕雲千萬疊十載尙低空

懷鄧嶰筠同年

廷楨

詩字皆遒峭其人亦似之塵無纖翳到語可十年思行館  
奇礪石禪閣龍樹枝每當吟眺處憶爾共襟期

寄懷譚蘭楣學使

尺書經歲少秋色又寒汀水接西江白山園南詔青星輅  
初按部詩夢尙趨庭題徧甘棠樹應過幾處亭

停雲懷素侶合樂憶

皇都爲問掄才暇還能顧曲無

貧官惟畫粥少婦好將雛盼取還朝日嬌兒解拜趨

富家復葬

才已江淹盡年知伯玉非逃名心久定過欲貌思肥詎有  
希榮念而忘冒進譏蠹情甘食字驥德備銜轡伏案思多  
澁臨池汗更揮  
溫綸宣 朶殿給札就 彤闈事本

春官簡

思從

巽命依祇慚迂陋學無以答

宸睞

癸酉秋初東顧晴芬查簡庵雨同年

仙夢消方罨吟情付雜連橘藏聊隱几獺祭每分箋節月  
花凝汞梳風葉舞鈿林亭雲轂轂主客脰肩肩互引壺盧  
項同參玉版禪剪燈微雨外啜茗晚霞邊巷許青楊認衣

從白裕便雲龍韓孟契蕭灑自年年

吳棟華間余將至蘇州迎訪胥江舟次不值紆路相  
見于楓橋左近遂偕遊五松園晚飯池上草堂別  
後以詩數章見寄作二律答之

胥江遲弭櫂爲愛泊寒山客夢鶯花外鐘聲雲水間勞君  
紆造訪伴我更躋攀池上草堂酒一樽堪駐顏

三年兩相見天遣聚岑苔別後詩頻寄池邊首重回江光  
巖瀨楫海色孟樓杯

午日游溫州江心寺孟樓

日暮碧雲合美人殊未

來

贈方茶山觀簪

體

當官傳直氣瘡郤有循聲遂荷文章薦旋爲轉漕行津門

秋聽雨魏闕客影纓早晚朝天罷牙幢佇宦成

庾樓臨斷岼舊構有新營記與憑欄語同看秋水清詩猶

吟騙浪

君守九江作騙浪篇甚工

人尙阻班荆

君來未得晤也

擬作平原飲看

君舉十觥

臨城驛喜晤張芥航同年

纔出江南境心情正寂寥眼明故人刺路就驛亭招廬阜

圖曾寄鐘山夢未遙詩懷話鴻爪剪燭得連宵

宜防資策力真拜昨承恩報國心無隱籌河語有

原古來漑田利兼與溜河論此意無人會惟君許盡言

曙霞城刺史事有作並以贈行

書生勤撫字十載頌常聞階擢官仍借民淳望自殷饑鴻  
無瘁羽長社有慈雲早晚就真拜如何留使君

洧倉城在否繞郭有塘無

漢建安中裴祖屯田許下積穀於北倉城宋史志長社繞郭有

堤塘百八十里唐節度使高瑀立以溉田農事古知重前賢才豈迂官能籌委

積效自貶荏苒寄語封疆吏休將繩尺拘

里閑疎携手題襟每客中袂從大梁判樽喜

帝城同

宦局憐囊米遊踪感雪鴻秣陵兩年少霜鬢對秋風

霞城與予

初相見于金陵

照涇魚吹沫貧交屢贈金自慚傷直節何以報同心生事

勞婿嫁詩懷託向禽姑山營小築期子共拙簪

姚江舟次喜晤王六竹嶼却寄速其返權山陰

十載不相見言來遂却來姚江一維櫟霜鬢與徘徊宦海  
傳深識清時老雋才如何展離緒早晚四明回

聞鄧菽原司馬海外守城事賦詩寄懷並詢其顛末  
海氣鯨鯢擁民心虎豹廼使君安可犯出境可無猜誰信  
懸軍守重看躍馬來論功考平日輿頌滿澎臺

贈張生時託其寫照

生宜春人

問道宜春縣登臨大有情山餘寫仙井邑本灌嬰城泉石  
隨年夢丹青後日名寸心託毫素瘦影是書生

贈奕僧

同年才十八僧臘十年過棋已第三品貫如存若何水田  
衣入坐嬰母杯生波殊甄孝昌有楚材良足多

贈朝鮮二徐君二李君別

柳作黃金色春風昨已還柔條如惜別歧路忍同攀花發  
遼陽驛蟬鳴智異山相思逐時序應識夢中顏

贈李蒼皋

未見頻思見憐君意過勤銜杯一相對上馬手重分邱錦  
揮新句韓陵理舊文

時以李幾亭  
論學書見示

會遲還別速惆悵此離

羣

贈李晚休

于呂驗青雲朝正見使臣判曹官職貴副墨笑譚親相對以筆  
談春色浮槎遠詩懷折柳新匆匆一樽酒相對鬢如銀

贈高麗任續之秀才

擲蔬聊具饌點筆輿論詩日影綠階上桐陰隔座移龍窠  
能譯語鹿韭已辭枝難得天中節來朝客到時

南公數番紙真與累相思愧乏香山句空傳播諾詞移居  
煩問訊題袂恨分離歸語平生事窮經恐後時近爲經學深以暮景  
不能精進爲恐也

水仙花

冷艷霜留影前身玉作胎  
根宜文石護蕊稱曉窓  
閑雪片香初細銀屏夢  
乍回微波通洛浦誰遣  
謫仙來

蘭祥書來云賓之先生每  
以余不能竟古文學爲念  
感懷今昔寄魯賓之先生

硯席相依處都成舊夢餘  
可憐塵鞅逐不得故園居  
學海誰如子援鶉每憶余  
韓歐遺業在交策似蛩驢

太乙舟古今體詩集卷七

新城陳石士甫著

三男蘭第  
從姪孫夔校刊

蔣秋吟編修招爲第四集

秋響落虛牖漸聞黃葉聲欲消徂歲感來緒  
覓詩盟論古  
前輩爲儒畏友生絃韋是幽贊底肯噉浮名

黃齊青使君招集淨業湖酒樓因補題周襄陽芸皋  
所作觀荷舊圖和使君作兼寄芸皋

何人修淨業天子足詩名選勝聯吟袂消閒念友生湖光  
浮岸遠柳色帶樓清蓮界紅衣盡田田蓋尙擎

昔夢尋鴻爪前遊有畫圖却因今雨集重與索詩通遠憶

銅鞮唱過憐耆舊無信州如再蒞情冠願全輸

爲朱野雲題其所藏熊介茲前輩詩冊

詩豈能償債

用冊中句

休官且賦詩可憐歸未得一別見無期

遺冊何人暫質交誼若斯皖江吟舫夢我亦感年時

癸亥秋事

題蘭士太守所寄途中詩草後却寄

家法吾家似君才十倍吾新詩唐大歷循吏漢東都飛雁

昨傳札停雲應有圖

君工書

故人無一事把卷對庭梧

題吳仲倫夢餘涉江二草時自四明往山陰

老矣嬋娟影斑闌不許登行經皖紗處誰更葺蘿矜贈鏡

差同照援琴敢獨承眞靈圖位業捧袂喜吾會

題任階平寒夜寫經圖

家法傳經學荆溪重釣臺  
喬孫能述祖萬卷手重開  
老屋全遮樹寒燈憶翦煤  
都門爲客意鄉夢此低徊

吳門訪耆宿錢

竹汀段

懋堂

有交期霜鬢相看處  
鴻泥憶

舊時以余荒素業重收作經師  
一卷春秋學同深  
范硯悲

題意茗山錦圖爲陸希孫

嵩作

茗上曾營葵吳門尙寄居  
鄉心縈宰樹畫意寫蓮廬  
我有

耕烟夢

耕烟草堂吾家西谷丙舍堂名

難乘下澤車羨君歸路近  
踪跡狎

樵漁

題汪艾塘同年滄浪寄跡卷子

寓公開講處門對滄浪亭自別江南路烟蘿夢未醒人隨  
拳石古眼向畫圖青此日蓬山客風泉何處聽

題一榭園

名園曾屢過勝賞得全論偶作獨遊客主人方出門誰爲  
輞川畫此亦謝公墩洞壑經營處兼知兵法存

題環山小隱圖寄懷胡徵君霽

蕭然遠塵事素志樂閒居老樹生清聽青山向讀書身隨  
經席遠時稚君在浙中夢落故園疎尙有頭銜在休思下澤車

環山吾不識昨向龍眠游飛翠落千丈客心消百憂忽憶  
去年夢相逢浙水頭西歸重過汝會待秣陵秋

題畫

鏡畔亭亭影風前脉脉心窗櫺燈蕊顫簾箔雨浪侵眉訴  
妨人覺春情託夢尋平生知己感爲爾一沈吟

題人匹馬從軍圖

當年雲鳥陣誰熟握奇經上將會分間書生亦勒銘春田  
耕白鏃秋夢嘯青萍戰地重廻首農歌緩轡聽

召募原良策屯營住幾年艱難記圖畫慘澹認山川保甲  
功曾錄由庚頌早傳憑君語鄉里耕鑿戴堯天

題張詩舲除日編詩校射圖

吾家大樽友聞有李舒章雲遺集猶傳否蘇軾語未忘景

羣溪先生論臥予先生詩曾及舒章君才真健者立幟幃相望倘與鄉先輩  
編詩一表揚

新年有詩課之子挽強興愧我負牆立看君破的能壯懷

兼酒罵

君大

昔夢借圖憑從此可乘暇時時求釋永

昨招君與

同人作詩課君先至就余後圖射屢中的

爲陶意雲員外

渙悅

題深柳讀書堂圖

讀書吾輩事甘作宦遊人鄉夢每孤到柳花無數新林泉  
中歲興簪綬暫時身我亦園居久年來負好春

樽酒登堂日涼烟澹客衣雋遊前輩共幽興十年遠一老

今猶健經帷心所依

謂姬傳先生

龍眠分夢處種柳亦成園

題襟到京國比屋得鄰居雖乏青楊樹猶存錦帶花  
彈月後酒味入燈初傳語青溪柳爭墩意未踈

題白广畫蘭送希申南歸

蘭性宜于靜孤芳只自成月華空處潔露氣曉來清高格  
原知訪同心未易盟庭前培植意豈獨在春榮

題張容甫讀父書圖

江鄉存別業手澤感書楹竹石猶清影庭除空誦聲少年  
知繼志脩士不趨榮所見皆如子能無老眼明

題許生賡皞雪林笛唱圖

一篷風前去春山雪正飛瓊思與瑤想孤迥出林霏夢接

暢亭宴人懷杜無機循陔况年少應賦詠而歸

題汪味根乘槎圖

風波談笑過回首戒偏深平地庸無險高年尚此心漫誇

舟太乙肯倚腹三壬內景憑忠信吾當佩作箴

君自記多臨深履薄

語之

題趙厚子仁基岱巔看雲圖

昨歲客遊好秋高上泰山及茲春駘蕩重與夢孱顏雲氣  
欲成雨松聲疑叩闕閩南與江右覽勝畫圖間

冬日舟泊胥江潘功甫舍人折柬招爲詩社之集以

事未赴携所屬宣南詩會圖至嘉興舟中賦五律

一章却寄

養志敦任卹存心壓顧厨克家良不易保世豈嫌迂重有  
題襟約深慚良會孤停雲廻望處詩夢又鴛湖

題瞿子舉同年春秋扈 蹕圖

上陵兼肄武 茂典舉春秋講幄承 恩日清班紀壯遊  
淮陽傾汲黯臥閣夢瀛洲省識中和頌還須彩筆脩

題太乙舟雅集圖寄筠潭方伯

西山分秀色詩夢太行邊喜得班荆話圖成雅集緣閩南  
初攬轡蘄北又離筵我去尋鴻爪遲君已廿年

停琴竹月圖

不作市中碎誰從海上聽世緣成澹性芸館佇空庭梧影  
月初上苔痕石共青知君耽古樂努力注遺經

江聲帆影閣圖

高閣俯空明人天一望平江聲流不住帆影去還生自性  
原孤照塵緣信遠征道心入鄉夢所重豈詩名

蔣秋吟屬題尊甫照

樸學與辭章先生兩擅長名登文苑傳書積授經堂薄宦  
依京國幽懷慕老蒼未申攀接契把卷幾徬徨

楹書頻借讀令子喜同朝題袂開三徑揮毫寫六橋風流  
杭厲接吟興畫圖招待得全書惠爲君序致堯

題伯昂少蘭爲潘紅茶同年合作花蝶便面

陌上花開處晴烟一望中遙憐草痕碧低映蝶衣紅三  
江南夢詩懷幾客同瑣闌一相對春色靜簾櫳

携詩詣定九前輩索易壺中壁間韓城書至乃知非

韓城手蹟也復作二詩乞檢韓城別幅見惠益乞

### 壁間宋君書

誤記壁間字空懷相國賢傳衣存夢想立雪愧因緣象罔

珠還得樓高帖湯懸

用越僧藏蘭亭事

家門多副本願賦拜嘉篇

宋君吾亦識詩畫早流傳其字見今日所書皆古賢懸簾

原座右尙論可風前比作連城換梅花價或然

長椿寺訪浙僧索畫

經聲出深院林影爲之清  
遂使塵勞客思爲世外行  
堂虛聊憩息墨妙况縱橫  
試畫南屏趣孤山有鶴迎

送嚴香圃之進賢學博任

敲棋頻剪燭離緒話南平  
惜我髡顏老喜君胸次清  
論文才判歲贈策又歸程  
目送鏞州路君歸途取徑將樂春雲隔幾城

送鄧鹿耕明府之任武平

閩南異秦蜀耕種少荒田  
健訟俗能化懸蒲頌早傳  
新陰延荔子舊夢接羅川  
治譜重開處公庭手一編  
先生向治羅源貧山

先生就養署中以治秦蜀時政條作官戒爲庭訓

詔書昨新下  
捧檄正斯時

頃

上諭以周官

吏執傳經術

九職任民勗州縣

官非責爾絲農桑無近效筐篋有常期斟酌爲張弛非公

更望誰

### 送煦齋師出關鞠獄

清問傳天語  
乘輶左輔東  
春雲隨繡暖  
古塞抱河雄  
望本中朝峻  
才兼五聰聰  
諸藩奉恩詔  
歸奏未央宮

知己師門舊  
頻叨禮數寬  
素心知慕古  
懶性笑爲官  
別緒邊城柳  
歸期襖飲蘭  
未能執鞭鐙  
驅夢護霜鞍

### 送董觀橋前輩 予告歸金陵

八座清名著  
三朝宿望垂  
鼎湖餘戀在  
日下辨裝遲  
雲歛

爲霖色花明向晚枝玉堂風度雋蹇語話敲棋

誰爲疏傳畫家近謝公墩散帙與論史趨庭間課孫鍾山

鴻爪在漢學玉杯尊因憶傳經席惟餘帶草存

余背侍姚先生居鍾

山半

送越僧之峩眉

南屏夢中路忽與水雲西積雪有層嶂踏冰無舊蹊世緣  
隨羈飯禪性過猿啼京國一揮手意行知不迷

月夜早行

碧雲橫匝匝藏月欲成規乍帶平岡出旌兼遠樹移露痕  
低見草燈影曲連陂曉色依微處秋原得句時

閔子集

過客徵遺碣前賢有祭田  
烝嘗榮異代衣絮冷當年  
末俗惟爭利悖風肯慕羶  
試尋新序語取作魯論箋

謁游梁祠

循接聞知統祠留駕稅鄉  
躬耕無夢卜傳食始遊梁  
鐘鼓靈臺渺山川晉國強  
如何空幣聘不見坐明堂

垣圻三層廡庭荒一院苦  
十年脩廟議卅載大臣才  
危塔琳宮啟名花蕙館開  
頻聞梁苑客作記盡劬枚

當日儀秦學而今夷衍名  
競聞誇呂覽猶撰笑彭更  
疑似誰能辨擔持未可輕  
平生私淑處不敢習縱橫

太乙舟詩集

卷七

淇縣

曉驛蒼山外淇川清且深人家面朝日溪路轉平林崖豁  
初開逕難流不盡音蘇門憶長嘯何日愜幽尋

曉過高唐

吳歌重今日往事說齊音一過高唐境彌生易俗心寒雲  
依古堞夜火起鳴禽侵曉前村去還聽擊壤吟

夜過鄒縣

旅發信宵征蒼茫慎所行因思夫子道不外客中情輪軸  
宜循軌端倪自倚衡一燈懸照處義路是平生

滕縣

風烟今聚落疆理舊提封欲問井田法空思三代農宜民  
膏泥古訪俗湯支笏斟酌經時策殘編擇所從

宿州道中

解鞍浮馬去喚渡載人過淺瀨初杭葦平林又踏波家誰  
餘夏種田已沒秋三廿載行經日空成勞者歌

新馬渡

已過新馬渡始見小坡陀橋斷猶存洞風微畧有波湖光  
浮浦遠雨色入雲多前去經行處田家未刈禾

過閔子墓廟在墓西

日色帶長薄遙看遺廟存從來徵內行端不廢人言悵望

高風遠猶令薄俗敦誰無昆弟愛莫忘所生恩

隄上晚步

烟水空濛處長堤步月明風前檣影直星外浪痕平坐石  
看人語投林聽鳥聲客中此蕭散鄉思幾回生

清流關巔憇僧菴步煦叅師韻

松影嵌岩罅雲邊翠踞巔雄關參古佛秋檻俯耕煙州境  
沿前例亭名憶昔賢昨來鴻爪夢小憇話詩禪

過總舖望浦口諸山

嵐梯浮一桁雲徑記千盤當日携家去羣峰勒馬看前遊  
隨夢遠羈緒及冬殘回首元亭路臨風一憇鞍

夢登萃雲峯

來徑雲遮斷前登翠靄重路迴三笑澗身傍七星松偃苔  
佛同瘦露寒花不濃迥然舊徒侶閒話暮山鐘

常思嶺

鼠梯多右折此獨左旋通一嶺界南北群山森碧空岡巒  
餘勢接村落淡烟籠麥隴明溪外青青列鄣中

蘭溪

溪流明似鏡空影盪晴暉一鷺忍飢立千帆趁飽飛浮嵐  
崕岩竇濕翠侵林扉最羨持竿者長年守釣磯

暮舟卽事

離岸仍登岸歸船更喚船市聲春店外客思晚風前取硯  
沿流洗携書當枕眠樓霞好山色明早踏松烟  
弭棹西風外春衣尙御裘寒聲迴浪擁晴意晚霞留遠火  
初明岸繁星欲瞰舟山程兼水驛取次當詩籌

新中驛

雙塔標林外知無舍利埋佛緣瘞僧臘林影畫詩懷收稼  
耕原淨編茅土屋排石門前去近訪古興偏佳

乙未春初重遊孤山

聞衙梅花發重游憶去年暗香浮竹外空翠落樽前鐵骨  
橫窗瘦冰姿映水妍何須覓歸路醉臥白雲邊

叢桂菴

天啟九年范繼昌題

樹色標蒼翠而非叢桂陰秋花何處放春夢此間尋  
嶺下溪聲急山前霧影沈一巷成候館苦茗暫勞斟

由儀真渡江至金陵寄懷屠大令杲搗時大令朱歸  
也

故人別幾載交口播循聲江國春如許桑麻課已成  
儲材收拔擊擿伏比神明一洗儒迂誚書生竟解兵

翰墨多餘暇趨公亦錦囊花封煩候吏詩夢隔歸航  
舊帙堪重把新聲發古香倘題東絹畫寄我蔣山旁

謁露筋祠登三十六湖樓題畫卷應蘭卿觀察屬

高樓傍祠建面面納湖光絲柳帶春色風帆催夕陽神功  
兼利溥天語早題坊聖祖南巡御書節媛芳躅四大字登眺知君意  
傳之翰墨場

二疏故里

勇退風斯古懸車里尙傳遺碑存往跡祖帳憶當年代有  
名賢繼今推相國先韓城生長地記取史臣編王偉人夫子於今  
仕致

曉行

月光參曉色雲捧一星高村喜投林近人憐擇路勞燃薪  
月暖水沃蛤翳涼蒿秋意兼春色

望徂徠山懷孫明復

士勵固窮節先生衡在斯明經志青紫漢學亦奚爲譁世  
矜章句藏身任滑稽欲回衰敝俗仰止有餘思

楚翹同年兩郎連舉秋捷

菊觴浮喜色客歲見題名接葉荆花茂連枝桂樹榮老懷  
吟秋圃勝事話春明約舉櫻厨宴來年韻定賡

題王霞九編修令叔畫堂先生重遊泮水圖冊二首

鳩杖倚襴衫郎官昨署衙詩懷清似洗書味老猶饒泮水  
重游處春雲倒影嵌歸來話經笥帶草碧參參

帳下孫枝貴鑾坡早振鐮經帷懷舊德壽相話 熙朝鄉

憶簪裾集名傳黨序遙崕峒多勝侶雪莖有松喬

次程春海賀春浦得學士韻金賀拜 命攝大司成

二首

華資才所稱自下輒思難持論依先正盟心結古歡 直

廬圖史富繞屋水雲寬剪燭談深處同吟四善冠 四善見唐人進

賢冠賦

典胃承新 命承歡慰母心不離親舍遠共仰 王恩深

還直萊衣舞園橋鼓篋吟合河文定學事業好推尋

哭法梧門侍講前輩四首

御風何處去噩耗聽來驚不信題襟約翻爲絮酒行 先生

初十日集詩齋而香龕花雨寂詩夢夜臺成昨過亭邊  
初八日已撤齋矣

感聞掃葉聲

平生重編紵詩畫等身藏自有停雲句人歸選佛場壯懷  
切經濟報國借文章腹痛喬公語天涯幾斷腸

學士歸春夢郎君得鳳池蓬山有弓冶雲路轉階資筆許  
槐廳續心憐鶴駕知故人揩老眼他日此爲期

昨者携新作商量意尙勤公謙逾敬禮僕陋媿休文剗海  
春波咽虞歌總帳聞十年千載事五日死生分

哭謝薌泉禮部

世緣官乍了老境病先侵屬纊忽趺坐知無怛化心文工

隨手寫酒喜對花斟夙昔過從事黃壚感不禁  
刻意追耆舊遺文滿篋藏餘將古人意選到少年場抗手  
初金殿彈琴易夕陽如何報知己除是草銘章

哭李晴雪同年

一病支離入三年枕未安人皆憐玉樹天竟下金棺寂寂  
灘江暮蕭蕭潞水寒歸途如此去爲汝淚闌干

應舉佳公子間官五載留金多虛牝擲書好夜臺收儒雅  
身偏累聰明志詎酬年來多悟語一慟此生休

歸計徒張角遊踪付雪鴻憐君爲情死綺歲等途窮紅藥  
清銜在青箱舊業空雙親檢遺籍惡見亂書叢

選客矜嚴甚招邀不厭吾  
敲棋談橘叟品硯得雲腴  
露夕金樽歇風軒玉笛孤  
招魂歌薤露顧曲尙能無

哭商仲言同年

不知何疾去只益故人悲  
得郡官如寄齊年髮早衰  
君至才數月與余同戊子生而鬚髮先白  
酒壚愁我過鄰笛怕人吹  
檀板金尊會思君跌宕時

秋海棠

依然稱絕色不肯占春風  
鏡檻人雙袂墻陰月半弓  
三更涼露壓一逕淡烟籠  
倚罷條條竹天寒翠袖空

擁髻憐通德明粧笑浣紗  
應同智瓊姊來過彩鸞家  
銀漢

橋方駕蟾宮桂又斜人間與天上一樣惜年華

和李春湖

宗瀚

秋海棠詩

秋放千枝艷春留一段愁絲垂烟已澹梗貼露還流背日  
初含笑迎風未障羞繡幃勤護取莫負畫堂幽

已分來還去何因見卽休魂銷疑被酒影瘦最宜秋  
初迴雁簾波不下樓幾番尋斷夢桃葉渡旁舟

園中海棠四株其三株闌珊後此一株乃更爛漫盛

賦示兒曹

碧已垂枝暗紅猶照眼明莫驚春漸老却喜木交榮氣候  
知誰定祥和要自迎持身兼勵學努力樹脩名

夾竹桃

不信亭亭影偏含脉脉情風枝搖露朵春夢過秋聲食肉  
何人飽成蹊底事爭一枝湘管在滌父問平生

謝茅松坪

潤之

同年許贈合歡花

掃徑延嘉樹東廊簷幾巡未看秋露影已夢晚烟春好友  
情如許高花意所親雨餘墻薜綠應照月痕新

碧桃花

斗室送春來紅雲爛漫開綴枝仍細葉酬影自慙杯別有  
亭亭艷誰爲脉脉迴人間工速化休擬認天台

從繡雲令張子田

維孝

借觀文山遺琴

流傳尊信國啟匣見瑤琴風雨空堂夜能存天地心高山  
留古調琴上刻公手書召對紀事詩云已譜入琴曲曠世感遙吟更攬叅軍蹟  
如聆歌嘯音

賦水磴

驛路經行處茅茨傍水開激波成轉轂出地殷輕雷數富  
名曾紀忘機論漫裁當無有車用持証斲輪才

蟬

斷續風林外人知飲露清可能無意緒只自訴平生弱柳  
垂垂暗驕陽故故晴候蟲聊唱和可惜此秋聲

鮑覺生爲兒子蘭瑞書緱山夜起裕州題壁二詩

跋語因次韻質之

次緱山夜起韻

繼守唐人法詩家得正聲誰誇仙子夢此是漢時笙細響  
辭桃巧頰波有廓清州年前伏案此意早分明

次裕州題壁韻

窺豹前時見一班新詩把翫更迴環亦思前輩飛騰入難  
得中年身事閒服鄭搜餘庭草碧陰何撥處茗鑪殷何時  
可了平生願蠟屐從公州六山

先生家近黃山

五排

喜晤倪竹泉同年卽題鄞江留別圖贈行

鷺江來報政留別有新圖前輩詩能得

謂荷屋前輩

諸生頌

俱吏才籌土訓

君于所屬捐廉俸辨義倉義學諸事

吟興傲天吳昨聽饒歌

欣將上將呼國門同候館折屐欲趨塗

君于長新店謁楊時參宮保行

帶聞紅旗

勝事逢人說豪情似此無春風西苑樹直室

山爐賭酒終輸汝敲棋尙服吾八年張敏夢十日仲由

解縱馬班荆意當書于爲于

今年夏秋之間夢訪南雅同年作竟日談南雅屬題演

南紀遊冊乃賦夢中景物應之以索一粲

我未遊南詔模山語可刪與君情好密取証夢魂間遙夜

莊生夢青春顧愷間同居善和里徑款黑甜闕硯北書千

帙花南水一灣窗虛光乍納日照影全殷鶴避茶烟去魚

侵石髮還坐移松逕遠行逐惠畦鬱靜趣參仙佛高談  
馬班斯懷嵇阮共此景畫圖恆持節當年事抽簪昔歲顏  
離情雖屢軫良會未愁艱不信聯裾數猶能命駕嫻路勤  
張敏訪人比戴逵攀軼事聊拈韻卮言一破憫可知生白  
室無異點蒼山

送江介臣同年

心笏

南歸

介臣自郢中來應禮部試

握手鄉園後春明又舉杯詩吟江月去身帶嶽雲來不遇  
心仍滌清言道自該幾人歌伐木爲爾首重殂

餘事詩人作其才未易誇能歌誰郢曲此筆自君家山靜  
雲能幻江空月散華清新須刻苦努力事天涯

芸潭同年之觀察任枉過賦贈二十韻

聖主求賢切儒臣恩遇優擢官由侍從領職比諸侯通潞  
居畿輔東方最上頭平遠歸控制北面近皇州轉漕無踈  
畧宜防有預籌稽經平日熟借箸昨春留真拜初承命超  
遷佇播猷儒冠身孰誤古道子能求比歲年多歉斯民俗  
漸偷謀生因局促嬰網積愆尤草薶庭無色魚驚水亦愁  
如何施轡策可以妙春欵察吏精于薦宣風擁剗緱法如  
身使臂效等器分猶先世同朝誼儀曹比牒傳訂交申密  
契譚執互冥搜詩夢更番作離懷取次酬班荆勞枉駕懷  
綬正乘郵昨者榮三接他年擁八騶小詩聊志喜努力

修

送田季高典試粵東

田侯三晉彥珥筆直南叁句比玉溪麗書成金薤佳疏

泉發幽興

直廬有泉君疏出復舊跡紀以詩

詠菜愜新懷

余餉君薤菜君與春浦皆有詩

我與過從熟違云著錄儕吟風聽竹管撥月話松釵每有

三山訪欣將二妙偕

謂春浦

此行膺特簡俊侶得新諧

謂夢

史佇掇珊枝秀收將玉笋排得人助康濟所學有津涯豈

獨文無害從知聖可階雲奇峯迭倚波淨鏡如指驛路奚

囊富鄰書索寄皆

寄哭惜抱夫子五十韻

孔夢徵高密韓雲下大荒儒林爭雪涕碩果竟凋霜分切  
高山仰慚深弟子行枉憑都講席未得獨居塲燕樹迴春  
色吳雲黯嬰墻空聞歸素旆莫與撫黃腸憶昔依函丈攢  
簪卸遠裝誠原通夢謁

用光未見先生時  
有夢謁先生詩

學欲問津梁善

誘初承誨更端不厭詳南榮書萬卷西序日三商約采分  
霞佩幽懷證蕙纈繁弓期奠體舉策戒忘羊暑夕飈生樹  
涼宵月轉廊名言誰共契寄迹兩相忘所愧前塵慕仍令  
仄徑妨語之雖不情簡也未裁狂咒有摩登攝針辭初祖  
吭烝砂難作飯易畝祇名糧敷坐纔生法離亭旋送航幾  
年爲遠別本志覲終償珂里重攜笈鍾山再褰糧鵲膏教

萍劍嶢竹許偕風鴻爪更畚認魚箋遠道將易因傳孟嘉  
詩爲溯毛萇世士矜奇服先生守舊章程朱資禦侮許鄭  
賴箴育文自追楊馬詩應合宋唐緒言珠貫串約步驚飛  
搶妄欲窮蠡測因之發篋藏瞻前雖恍惚鞭後肯徬徨  
意書紳願偏乘撤瑟傷騎箕神渺渺哭寢影悵悵述行心  
餘痛維公道本昌冥鴻非避弋翺鳳早鳴岡天付名山業  
官辭執戟郎朝猶尊段木鄉自祝庚桑年逮安車迂恩  
光賜秩揚東南誰一老館閣此三長自論歸無異門生痛  
未央身餘懷祿愧舟阻隔江杭天柱峯廻薄龍眠氣鬱蒼  
佳城遲吉卜幽壙閔元堂念我先君殞猶依丙舍俸幾時

營下殍歸里得封防老友如相遇乘雲亦共翔可能憐稚  
子一爲解青囊會葬期猶遠鮮民痛可量唁孤辭惻愴感  
舊淚淋浪著錄孫張責傳衣籍湜當生芻蕘致奠引義執  
心喪

詠唐小鏡

銘曰乍別情難忍久離悲恨深故留明鏡  
子特照守貞心

貞心何處託鏡上已辭聽別人難成夢情深故有銘調鉛  
漆昔案寫月愴今櫺迴照帷應掩偏持手肯停詩傳天寶  
代人複子雲亭以彼芙蓉檻悲余翡翠屏鄉雲千里碧墓  
草幾番青新咏多根觸香臺只合局

上涂南池先生三十二韻

傳易梁邱賀遺榮鄭子真吾鄉存碩果百載見斯人鶴髮

扶簾杖心叅養谷神三王疑隱背萬卷總圍身著錄厄言

廢持躬特操循遠尋洙泗脉獨許陸王親大體求先立良

知貴養醇六經皆註脚千古接芳塵黎水淵源在蟠山草

木春先生所居地名蟠山閒居非隱逸孝思故彌綸廬墓還修業羣

才悉問津論文談娓娓鼓篋士莘莘餘子蚍蜉撼調詞訓

笑頻我知重耆耆公本不緇磷待攝登堂履憐非貢席珍

獨與因侍舅時隨舅氏進謁謁坐忝爲賓乍聽蘇門嘯彌欽大雅

輪贈言知自勉祖訓敢忘遵先生與大父至好時以續承祖武見最憶昔雲

龍友相期衛德鄰交親託姻好予之次姑爲軼事記鄉民

避雨全危坐臨風恥墊巾生遲空想望跡往未沉煙蛾術  
心雖切友傳學詎新文名慚阿士後進愧王筠何意蒙深  
眷孤懷每致詢本非千里駿翻遇九方歎根矩書初授時  
文稿一賦見贈當時氣益振辨香焚一縷盟手誦千巡小住情猶  
戀將辭足屢逡會應謀繼見常得數良辰鑄硯思磨鍊鎔  
泥欲就鈞祝公年德劭歲歲荷陶甄